

又曰古今二字勿泥物趨於有則為今道立於無則為古執
占以御今猶云本無以御有非大道之綱紀而何

顯德章第十五

古之善為士者遜世不見微妙玄通知微之顯深不可識深藏
聖者能之得聞

不可

西華帝君注曰微妙二語乃相連而及惟微斯妙妙斯玄

斯通通斯深矣而尚可測乎古之善為士者本領以此

夫唯不可識惟精故強為之容能近豫兮若冬涉川骨散

又曰夫古之士既深不可測矣而終於不可測天下後世又

曷以知有善士哉故不得已而強為之容猶云強為之表著

道藏輯要

道德經解

圭

心集一
又涉川

也然雖表著而實則斂而不放所謂豫者戒而後動之謂言

不得已而動其動之逡巡畏縮則有若當冬而涉川是即履

薄臨深之義

猶兮若畏四鄰必慎其獨

又曰吐而仍茹曰猶有動則有言於不得已而言而囁嚅不

敢輕出諸口若畏四鄰之或知也

儼兮其若客毋不敬渙兮若冰之將釋太和充溢敦兮其若樸

羣居閉口不違如愚儼若思曠兮其若谷庶乎屢空渾兮其若濁心與道冥

又曰儼端肅也渙解悟也敦誠篤曠清虛也渾渾淪也善士

之言動謹飭如此故其致躬端肅儼若客如見大賓也聲入

心通解悟若冰之釋也機械變詐之全消敦厚而誠樸也虛中以應曠然若谷之有神也至渾兮若濁則亦和光同塵之意必曰眾皆濁而我獨清則是矯激之徒大道不尚乎此

孰能濁以止靜之徐清

清者濁之源

孰能安以久動之徐生

靜者動之基

又曰嗜慾之流日趨於動而不復知有靜枯槁之眾泥煞此境而不復知有動夫孰能止其濁而從事於靜以徐復本然之清明乎亦孰能久於安而從事於動以徐得養生之道乎是蓋不著動靜一邊而有無相生之義益明矣

保此道者不欲盈

虛者實之本

夫惟不盈

沖虛無盡

故能敝不新成

潛雖伏矣本

又曰天道虧盈鬼神害盈人道惡盈斂器之所以不容盈也

道藏輯要

道德經解

六

心集一
X川川

故保此道者不欲盈夫不盈必至於敝矣而凡物之成者無有不敝之時况道欲其敝不尚乎新此所以甯敝而不取新成也即此可悟退步之法

歸根章第十六

致虛極守靜篤

虛以待之無為之先

西華帝君注曰虛無者道之體清靜者道之根世人只從實處著脚遂爾動作紛紜不已所以生出無限煩惱故要虛要靜然存一虛之心雖虛猶未虛也存一靜之見雖靜猶未靜也必致虛到極守靜到篤方謂之虛方成箇靜而實與動皆範圍於其中